

Aci e iti arimihemakak mitowi

Papitoc icinakono wetci metowaniwok atita tepirak kitci mireritakik kotakihik metowewok nanikotino tepirak e nataweritakik kitci kanewitcik. Kiskeritamok aric atita aka aspinokotc kitci kanewitcik. Peikon aric mireritamok, tepirak maka ni kitci onickweritakik.

Anahwe ka arimihikotc e metowetc, aspinakotc wi actaw coriariw e apitc osamikak enkweriw tepirak ka kanawapatak opimatisiwinik. Ekoni tca aci tekaci e patokockakotc e sakitac e metowetc.

Nictino ke ki ici kanawapatcikatek nihi:

Anahwe nictam: Awik e kitciparitc e metowetc aspinokotc kanewiw nanikotino niparacic kanewiw kaskina ko aric awik mireritam e kanewitc, aric atita e kanewitcik, mictahi sakitawok e mireritakik kiapatc natowi totamok kiapatc niheriw kitci ici kiskeritakik e micta mireritakik e kanewitcik. Enko tca niheriw aci ka nantonakik tepirak kitci kanewitcik.

Minawatc tec: Ke ici motaniwok, nac e iti kiskeritcikatek e onitaniwok, anahwe maka ka metowetc aspinikotc ka metowetc nama mocak kata ki kanewiw. E onitac tca ocoriam aci nac kirawe onitaw ocoriam patok irikik e kanewispan. Anahwe ka osamikak tekaci nama sakitaw e onitac eckam iti metowew e iteritak kitci koski natcipatc ocoriam irikik aci wenitac. Iteritam maka minawatc aspinakotc ni ka kanewin, enko tca ni aci kirawe e mitcenik e onitac. Ekoni aci e iti posiparitc neta aka ka kiskeritak awik ke ici kanawapatak ometowewin. Ekoni aci nete e takocik ka onitaniwonik.

Minawatc nicto: e ici kanawapatcikatek, neta aci e aitetac anahwe ka osamikak coriaw metowewiniw, eckam iti nokoniw opimatisiwinik e osamikak. Wikimakana kackeritamoriwa, nahwe ka osamikak e metowetc micta aieskosiw, nama saperitam awiriw kitci aimihatc kaie tca nanikotino wi atawerimo. Ekoni aci e iti takickak niheriw atawerimowiniw. Anahwe tca ka osamikak coriaw metowewiniw neta aci e iti takocik mictahi ni aci iti micariw e arimeritak, aci tca nataweritam kitci witcihakaniwitc.

Epwamoci neta takocinaniwok takono ke ici nanakatcitakaniwoki

Patoc wewerita kata nanakatcitaw kaie kata nanakatcihitiso.

Enko tca ohwi atita:

- Mocak e mamitoneritak kitci metowetc
- Ickam nipara kirawe e iti actac ocoriam, ickam kirawe nipara e tcakihak ocoriam metowewinik
- E iteritak kitci atciwonak irikik metowetc aric peikonok e asitci metowetc
- Wi matcikawosinaniwon aka sa e ki metowaniwok
- Metowaniwon tepirak kitci onickweritak awik, aka kitci pameritak tan kaie wir e ici arimiparitc
- E koski metowetc e iteritak kitci natcipatc irikik aci wenitac ocoriam
- E kiraskitc awik e katatc e metowetc
- E awihasonaniwok coria kitci tapictowaniwok irikik e masinahikaniwok e metowaniwok
- E kimotiniwok kitci ki metowaniwok
- E icinakok aci kitci matci onitac otamirowin kekotc ma kitci onihatc omikiwamik ka kanawerimatc e osamikak coriaw metowewin

Nicwatcino ke ici witamakoiekw ke ici nanakatcitaekw kitci mireritamekw peikon e metoweiekw

Epwamoci metoweiekw kata mirwacinopan kitci actaekw irikik wa metowakeiekw kicoriamiwaw.

Awik ka actac ocoriam e metowaketc tepirak ni nte kitci onickweritak. Ekoni wetci nataweritakok kicac kitci oreritamekw tan irikik wa actaekw neta e metoweiekw. Nihe e kanawapatcikatek irikik e actek coria, irikik e kanewiekw kicoriamiwaw kirika tca aka nte kitci pactcipariekw irikik aci ka ki iteritamekw kitci actaekw.

Kecep e iti arimiparitc awik, e arimihikotc awik e wi metowetc aci kata mirwacinipan kitci nta kiskerimitisotc.

Aci tca e otcitciparic minawatc e wi metowaniwok kirawe kata mirwacinopan pekac kitci aitotcikatek kitci kanawapatcikatek kitci nta kiskeritcikatek e apitc ma tipiparinaniwonokwen coria ni kitci ki ici metowaniwok. Kecepin aka e mirerimotc awik kitci iteritak «nama anotc ni ka metowan» aci acteriw kitci wewerita nanakatcitac e aitotac e metowetc.

Kecepin ni e irapatak e metowaniwok tepirak kitci ocimotac tan ni e ici arimiparitc kaie wir opimatisiwinik, ekoni aci e pe acotciparinik awocamec kitci arimeritamihikotc.

Nihe maka metowewin patoc nte kata ici kanawapatcikatew e onickweritamihiwaniwok. Kecepin awik pitoc e ici kanawapatak tepirak aka kitci pameritak tan ni kaie wir e ici nakickak opimatisiwinik kekotc ma cowac kitci iterimotc e metowetc, matci ni kata otci arimipariw. Ekoni wetci mirwacik, nataweritakon kaie kitci takok pitoc e icinakok onickweritamihiwewin kaie tca kitci tatcic ke ici witcihiwetcik kecepin e arimiparinaniwok.

Kitci ki nosanetakaniwok irikik e actakaniwokipan coria irikik e ici tipahamasotc awik patoc kata nokiw mamacic kitci nanto kiskeritak, kitci kanawapatak irikik e kanewitc kirika tca irikik e onitac.

Actakaniwon maka coria onitakaniwon minawatc kanewinaniwon. Micta wetan nte awik kitci onitac, aka kitci pameritak irikik aci e isparinik kecepin e metowetc kirika kitci oniketc tan irikik ka ki actasospan kitci ki metowaketc. Ke ki tca totcikatek kitci miroparinaniwok e metowaniwok mocak kitci kanawapatcikatek kirika kitci kiskeritcikatek e apitc ma takonokwen coria, e apitc kiapatc tipiparinokwen kitci ki kiapatc metowaniwok.

Aci e iti katakaniwok irikik e onitakaniwok coria e metowaniwok kekotc ma tekaci e katasonaniwok nihe, ekoni aci nihe e kitciparic e wi matcipatititotc awik.

Mirwacin kitci ki arimotcikatek, e arimotamowakaniwitc awik irikik aci e kanewitc kekotc ma irikik aci e onitac e metowetc. Kecepin awik e kitciparitc aka e tipatcimotc tan irikik aci e actac coriariw kekotc e kiraskitc aka aci tekaci e wi witak niheriw. Enko ni nihe peikw aci ke ici witamakemakak aci kitci ickwaparitakaniwok e metowaniwok.

Awihawasowin coria kirika metowewin mictahi iciwepahikemakan nihe.

E metowaniwok irikik e actamasonaniwok coria, mia ni icinakon nama ni ki pacitciparin irikik e actain kitci kanewin irikik e actain kitci metowakein kicoriam. Kirika tca e miro kanawapatak niheriw awik nama ni arimatc awihaso coriariw kitci ki metowetc.

Kiapatc e metowetc awik kitci ki koski natcipatc ocoriam irikik aci e onitac kocatikoniw kirawe kitci iti onitac kiapatc.

Awik e onitac ekoni nanikotino e isparic e metowaniwok patoc tca awik niheriw kata ici naheritam. Kecepin awik e metowetc tepirak kitci koski natcipatc ocoriam irikik aci e onitac kiapatc kirawe micariw, kirawe kata mitceniw ke tcakinak, kirawe ickam kata iti tcakinam ocoriam.

Ke ki ici witcihiwemakak, ke ki ici kiskeritcikatek.

Nama ni awik kiskeritam ke isparinik e metowetc, nama maka awik ki matcikonom niheriw, nama mia awik kiskeritam patoc nama kata onikatcikatew nihe e metowaniwok. Kitci ki tca miro kiskeritak awik nanikotino mirwacin e nokitc mekwac e metowetc. Kecepin maka e mekwac metowetc aci neta awik iteritam «ni ka kackitan tekaci kitci natcipataman nihe, nin ni ka oreriten, nin ni tiperiten» anahwe atcikotc matcipariw, nama mireritam.

Ka ocawackak (30 points et plus)

Nicto mitana awocamec e icamakak nihe akitason, micta mirwacin. Ni irikik e icain ki miro kiskeriten ke ici nanakatcihitiso e metowein kirika kicoriamik itekera. Ekoci kiapatc ni tota, miro nanakatcihitiso.

Ka ocawacik (13 à 29 points)

Nanakatcihitiso nokon asa nanikotino patoc otcitakotc kitci nanakatcihitisoin mekwac e metowein wewerita kitci kanawapataman nihe.

Ka mikwacik (12 points et moins)

Aiekwamisi ohwe anotc ka ki ici naskamoin nokon aci e iti racipariin.

Nicwaso (8)
kokwetcikemowina waiesinaha nihe ka iteritaman enko ni mia ka icinakok :

Epwamoci metowein, ki ki oreriten a, ki ki actason a irikik ke actain kicoriam ?

- Ehe, otcitakotc ni ki actan, ni kanawapaten nicoriam!
- Nanikotino, aric nanikotino ni pactciparin irikik e actaiapan.
- Nama, tekaci nama ni pameriten nihe.

Ki kackitan a aka kitci pameritaman misawatc e wi metowein ?

- Ehe, tekaci nama wiew ni iteriten.
- Nanikotino, aric nanikotino osam micta mackowaw e wi metowean.
- Nama, kotc e takociparik tecikotc ni metowan.

Ki metowanawaw a tepirak aka kitci pameritamekw e ici arimipariekw kekotc pitoc kitci iterimoekw ?

- Ehe, nin maka e ici wapataman tekaci ni onikan tan e ici arimiparian.
- Nanikotino, takon aric kotakihi ke ki ici natcipataan pitoc kitci ki iteritaman
- Nama, nin maka, tepirak ni kitci onickweritaman.

Mekwatc e metowein ki kiskeriten a ni irikik coria aci e taci onitain kekotc ma e taci kanewin ?

- Ehe, mocak ni nanakacitan, mocak ni kiskeriten.
- Nanikotino, aric ariman ko ni kitci ici nanakacitakaniwok mekwatc e metowaniwok.
- Nama, kecpin e metowean tekaci kotak kekwan ni onikan.

Kecpin sa e arimotaman irikik e actain coria metowewinik wewerita a ki tipatcimon ?

- Ehe, ehe tekaci wewerita.
- Nanikotino, kecpin e iteritaman kitci arimotaman.
- Nama, nin maka ni nihe tepirak.

Kit awihason a nanikotino kitci ki metowein ?

- Ehe, kekac ko osam nit awihason.
- Nama, nin maka nama ni sakitan e masinahikewan e metowean.
- Nama, nin otci, e masinahike metowaniwok, namiaw ni aci metowewin nihe.

Ki metowan a ko kitci koski natcipatain kicoriam irikik aci wenitain ?

- Ehe, nikotin mani minawatc ni ka kanewin.
- Nanikotino aric ni kiskeriten kirawe kitci iti onitaan!
- Nama kecpin e onitaan, ekoni e ici ponitaan. Ekoni ko e totaman nin!

Kit iteriten a kir, takon ke ki totcikatek kitci ki kanewinaniwok ?

- Ehe, mitcet ni erowek ni kiskeriten!
- Nanikotino, kekat ko ni tapweten
- Nama, nama ni takon neta ke otci kanewinaniwok. Otcitakotc ke otci kanewinaniwok.

Ki ka tca akitasonawaw, irikik tca e isparik neta ki ka nta kanawapatenanawaw e icipekahikatek, e ocawackak, e ocawacik kekotc ma e mikwacik

E isparik :

Pts
5
3
0
5
3
0
0
3
5
5
3
0
5
3
0
0
3
5
0
3
5
0
3
5

Ki nataweriten a kitci witcihikoin ?

Ekoni aci e witcihitsoin kecpin e arimotaman, tan e aispariin e metowein e osamikaman e metowein kirika awik e witec tacikematc kekotc ma mocak e wapamatc awik ka osamikak e metowetc kata mirwacinopan kitci witcihikoin kaie kir.

Kecpin e osamikaman metowewin enko ohwe takapikenakan
1 866 SOS-JEUX
1 866 767-5389
METOWEWIN : WITCIHIWEWIN

Ohwe witcihiwewin nicowek ni arimwewin apatan, nama awik kata kiskeritam nama kaie kicikasonaniwon. Kape kickwa nicitina acitc new tato tipahikan tato kickwa, nicowaso kickwa, peiko markanan. Matci kata ki ici arimwew awik tepirak kata natotowakaniwiw kirika kata witcihikaniwiw, kata witamowakaniwiw tante ke ki ici natcipatc kitci witcihitsoitc.

Matci kaie neta ki ka ki ican kinekepatcikanik ohwe ka masinahikatek
8sur8.com

FONDATION
MISE SUR TOI
une initiative de Loto-Québec

100 % post-consommation

Nicwatcino kokwetcikemowina ke ici kanawapatamekw kitci ki kiskerimitisoekw irikik e metoweiekw



Keotcikanewinaniwok

Mitcet wa ici kanawapatakik nihe ka ici metowaniwok tepirak apaitc e metowakaniwok kekocic tepirak kitci mireritcikatek aric atita matci iti arimihikowok ka osamikakik kekociciriw e metowaketcik.

Ohwe tca masinahikanic kitci ni wewerita kiskeritamekw tan e iti isparitc awik ka osamikak coriaw metowewiniw kaie tca ke ki ici witcihikaniwitcic aniki. Awocamec kitci kiskeritamekw kirawaw e totamekw e ici metoweiekw kekotc ma kiwitcihikaniwaw takon ota kokwetcikemowina ke otci kiskerimitisoekw.

Nicwatcino ota kokwetcikemowina ke ki otci kiskeritamekw, ekota ke otci wapatamekw tan e itapiekw e metoweiekw, tan e icinakok e ici metoweiekw kirika tca kata nicwatcino ke witamakoiekw ke ki ici witcihikoiekw, mowetc kitci icinakok e ici metoweiekw aka kitci osamikamekw.*

Ke ki tca otci kanewinaniwok ekota ni neta e ici actek wewerita e totcikatek aka kitci osamikatek.

* Ohwe nte kokwetcikemowina tepirak ni nosem ke otci kiskeritakok, e wi nanto kiskeritcikatek nihe kirika tca nama ni irin kata ki apatan e nanto kiskerimitisotc awik e asitcikai e metowetc.